

دائرة مخصوصه

درسمادتده باب على جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنوبه
قبول اولنور

درج ابدنه بن آثار اعاده اولنور

ديره، فلسفه، علوم، مفروض، ادبيات و سياسيات و باطامه كرك سياسى و كرك اجتماعى و مدنى احوال و شئونه اسلاميه و نه بحث ايد و هفته ده بر نشر از انور.

صاحب و مؤسسلرى :

درسمادتده نسخه سى ۵۰ پاره در

ابوالعلا زين العابدين - ح . اشرف اديب

آبونه بدلى

سنه لکى التى آيلنى

ممالك عثمانیه ايچون	۶۵	۳۵	غروش
روسيه	»	۶۵	۳۰۵ روبله
سائر ممالك اجنبیه	»	۱۷	۹ فرانق

تاريخ تأسيسى

۱۰ تموز ۳۲۴

قبرله دن مقوا بورو ايله كوندرييليرسه سنوى
۲۰ غروش فضله آلنير

ایشته ، یوقاریدن آشانی بسطاید کلدیکم سلسله فکاردن مقصد شودر که مقام مشیختدن هیچ اولمز سه مفتیلره حاکمه اصدار ایدیلر که بر امر ایلر بوکی یولسزلقلرک اوکی آلمسی خصوصنه دایر صرف مساعی ایدیلر سیدر .

آرناودلق احوالی

ظنین رفیقمرک :

اشقودره مخبر مخصوصی یازیور :

آرتق قول اردووظیفه سنی اشقودره ولایتده دخا کمال ایتک اوزره در . بوقا ، مید ، اشقودره ، مرهیتا و اشقودره مالسورلرینک سلاحلری کاملاً طولاندی . قول اردو تموزک یکریمی دردندن اعتباراً لش ، تیران ، البسان مناستر استقامتده تدریجاً ایلری حرکتده باشلادی . ایفای وظیفه ایدرک اون بش کونه قدر مناستره مواصاتی امید اولنور .

اشقودره ولایتی اهالیسنک اوجده ایکیمی خرسندیان اولدینی واجبی باباسلرینک تشویقات دائمی اکسیک اولدینی حالده پک شایان تقدیر بر صورتده اوامر حکومتده اطاعت ایدرک جدأ عثمانلی اوغلی عثمانلی اولدقلری اثبات ایتدیلر ، بتون سلاحلری تسلیم ایلدیلر . قطعاً تموز صیجانه دره تبه کز مکدن ، مشاق و مزاحمه کرفتار اولق عذابندن قورتاردیلر . باباسلر وسائط مادیله ری سایه سنده غفلت ماضیه مزدن بالاستفاده بو حوالی خلقتک دیانتی تبدیله موفق اولمشلر ایدرک عثمانلی پادشاهلرینه ، عثمانلی حکومتده وطنه اولان محبت اوشیه لرینی اخلاص ، عادات قومیه لرینی تغییره قادر اولاماشلردر . هر طرفده بونلرک تعقیب ایتدکاری مقاصدک استحصالی ایچون اختیار ایتدکاری فدا کارلرک آثار فعلیه سی نظره چارپیور . هر برده برچوق کلیسالر ، ناهودود باباسلر ، شهرده مکتبلره ، اجزاخانه لره ، فولهو غراخلره و بعض بیوک کویلرده نادرأ مکتبلره تصادف اولنور . ایپالا کوینده آتی یدی سنه اول اوستریا حکومتی طرفندن انشا اولنان بر مکتب کوییلر طرفندن احراق اولمشدر . کویلرده کلیسالرک بعض موجود اولیان باباسلرینک نرهده اولدقلری سؤالنه قارشو صلیه ، اوستریا و یا ایتالیا به کیتدی دیورلر ! بوقدر غیرت و فدا کارلره مقابل خلق خرسندیانلی پک آرزیه اوکره نیلمشدر . عینلری ، عادتلری ، عادات اسلامیه لری ، مربوطیت قلییه لری حالا اسکی حالده در . اسملری نوح مارقو ، نیکولا محمد ، نیک علی ، احمد جون وال کیدر .

انسان بورالده بیکیرلر اوزرنده قارنجه کی کیدوب کلن ، اوتینی بری می متادیاً طولاشان باباسلر آره سنده برقاچ صاریقلی کورمک آرزو ایدییور .

صراط مستقیم

شو سطرلری اوقویوبده متأثر اولیان مسلمان بولمر ظن ایدرز . زیرا غفلت سایه سنده بر چوق مسلمانلرک بشقه دینه چوریلدی مسئولیتی بتون هیئت اجتماعیه اسلامیه عاقددر . لکن هر کسندن زیاده شومسئولیت بزم علما مزه ترتب ایدر . بونلرک غفلتی نتیجه سی در که بو کون بر قسم قرداشلرمن بو دین مینک فیوض نورانیسنندن محروم بولنیورلر . او یانوب غیرت و فعالیت کله جک یرده مع التأسف بو غفلت حالا دوام ایدیور . اشقودره کی مهم بر ولایتده برچوق باباسلر طولاشوب طور دقلری حالده بر صاریقلی کوریلر مه مسی نه قدر شایان تأسف در . علما مزک کمال اهمیتله نظر دقلرینی جلب ایدرز .

فرانسه فاسی نصل یوتیور؟

اقدام رفیقمرک طرابلس غرب مخبر مخصوصی یازیور :

لکن کانون نانی ایچنده طرابلس غرب - تونس حدفاصلنده فرانسزلر طرفندن وقوعه کلن تجاوزاتک منعی ضمننده سوق اولنان مفرزه عسکریه ضابطانندن مکتبلی بوشناق ملازم صالح افندیکن بعض اسبابدن طولایی آتیه ، اسلحه سیله برابر تونس و اورادنده فاسه فرار ایلدیکی اوزمان اوروپا آژانسلرینک تبلیغاتنه عطفاً بالجمله جراند عثمانیه ده یازلدینی و اوزون اوزادی به سرمایه مقال اولدینی خاطر لرده در . مومی الیه بوکره قطعه عسکریه سنه عودت ایلدیکنی خبر آلدیم و کندی سیله ملاقات ایلدیکی فائده لی عد ایلیم . آره مزده جریان ایدن محاوره یی عیناً یازیورم :

بن -- صورت فراریکزی آکلایه بیلورمی یم ؟

ضابط -- مفره زمره بولان بر نفرک . فایر تربیه عسکریه تجاوزاتندن طولایی مغیر اولدم . مافوقم اولان قه مقامه شکایت ایتدم . تجزیه سی جهته کیدلیدی . بالطبع افراد آره سنده حیثیت آمرانهم قالمادیقندن عزت نفسم الجاسیه فراره مجبور اولدم .

چین فرارده نرله کیدیکز ونه یولده معامله کوردیکز ؟

اولا تونس ، بالاخره فاسه کیتدم . کیتدیکم یرلرده اهالی

اسلامیه طرفندن صوک درجه ده حرمت و رعایت مظهر اولدم . هله فاسلرک عثمانلره قارشو بسطدکاری حسیات قلییه بو کون هر درلو تعریف و تصویرک خارجددر .

فاسده بر مدت قالدقن صکره اون ایرا معاشله و معتم صفتیله فاس اردوسنه داخل اولدم .

فاسدن نه صورتله انفکاک اولندی ، ونه صورتله تکرار قطعه عسکریه کز عودت ایتدیکز ؟

فاس اردوسنده بندن بشقه ترک اوله رقی اون سکر قدر ضابط

بولنیور ایدی . اخیراً عقد اولنان الجزیره قونفرانسی موجبجه فاس

اردوسنده معلم ضابطانک فرانسز اولسی مشروط اولمشدن ، طولایی

حالی فرانسه حکومتی خوش کورمیه رک دول معظمه نک موافقیله

حکومت محلیه دن اجنبی ضابطلرینک اخراجی نوطه ایلر طلب ایتدی .

بونک اوزرینه فاس حکومتی کره آرز عثمانلی معلملرینی اردودن اخراج

وجمله منزی بر واپورده مرفهأ ارکاب ایتدی . بز اسکندریه به

کیتک اوزره یوله چیقدق . واپورمن طرابلس لیانته کلدیکنده

والی و قوماندان حسنی پاشایه بر عرضیه کوندردرک جزادن

غفوله برابر واپوردن چیقمقلمه و قطعه عسکریه مه اعاده مه مساعد

اولمنی استرحام ایلدم . قوماندان نارالیه حضرتلری تجزیه ایدلیه جکمی

و قطعه عسکریه مه اعاده اولنه جفی بیلدیردی . بنده واپوردن چیقدم

و قطعه عودت ایدرک ایوم مقدس وطنمه ایفای خدمت ایتک

وظیفه سنه تکرار نائل اولدم . بوندن طولایی جناب حقه علی التمادی

عرض شکران ایتدکده یم .

-- فاس حکومتک اردوسی حقنده مطالعه کزی سؤال ایدر بیلورمی یم ؟